

Breyting á breytingum á samþykkt um stjórn og fundarsköp Sveitarfélagsins Árborgar

Lagt er til að gerðar verði breytingar á fyrri breytingum samþykktar um stjórn og fundarsköp, sem samþykktar voru á 10. fundi bæjarstjórnar þann 20. mars 2019, til samræmis við tillögur samgöngu- og sveitarstjórnarráðuneytisins, sem bárust bæjarstjóra þann 10. apríl sl. og 36. gr. nógildandi samþykktar.

Breytingarnar sem lagðar eru til af ráðuneytinu snúa að ákvæðum um framsal til fullnaðarafgreiðslu bæði nefnda og embættismanna og eiga við um á 52. gr. og einnig 36. gr. samþykktar um stjórn og fundarsköp Sveitarfélagsins Árborgar, en það ákvæði tók engum breytingum á 10. bæjarstjórnarfundum þann 20. mars sl. Samgöngu- og sveitastjórnarráðuneytið leggur þessar breytingar til vegna úrskurðar umhverfis- og auðlindanefndar í máli er varðar Reykjavíkurborg frá 2015 þar sem gerð var krafa um birtingu framsalsheimilda, annað hvort í viðauka eða í samþykktinni sjálfri þar sem erindisbréf þóttu ekki duga til þó að þau hafi verið samþykkt af sveitarstjórn. Jafnframt er vísað til álits umboðsmanns Alþingis í máli nr. 9561/2018 sem fjallaði um ráðningu starfsmanna hjá sveitarfélögum. Þannig er gerð krafa um að þessar valdheimildir séu tilgreindar en ekki almennar og séu staðfestar af ráðuneytinu og birtar.

Verði eftirfarandi tillögur ráðuneytisins að framangreindum breytingum samþykktar þarf málið, samkvæmt ráðuneytinu, einungis eina umræðu fyrir bæjarstjórn.

SAMÞYKKT um breytingu á samþykkt um stjórn og fundarsköp Sveitarfélagsins Árborgar nr.

1. gr.

B - liður 46. gr. breytist og verður svo hljóðandi.

Til fjögurra ára. Á fyrsta eða öðrum fundi að loknum bæjarstjórnarkosningum skulu eftirtaldar fastanefndir kosnar:

1. *Félagsmálanefnd*. Fimm fulltrúar og fimm til vara skv. gildandi lögum og erindisbréfi fyrir nefndina.
2. *Fristunda- og menningarnefnd*. Fimm fulltrúar og fimm til vara skv. gildandi lögum og erindisbréfi fyrir nefndina.
3. *Fræðslunefnd*. Fimm fulltrúar og fimm til vara skv. gildandi lögum og erindisbréfi fyrir nefndina.
4. *Skipulags- og byggingarnefnd*. Fimm fulltrúar og fimm til vara skv. gildandi lögum og erindisbréfi fyrir nefndina.
5. *Eigna- og veitunefnd*. Fimm fulltrúar og fimm til vara skv. erindisbréfi fyrir nefndina.
6. *Umhverfisnefnd*. Fimm fulltrúar og fimm til vara skv. erindisbréfi fyrir nefndina.
7. *Kjaranefnd*. Þrjú fulltrúar og þrjú til vara skv. gildandi lögum og erindisbréfi fyrir nefndina.

2. gr.

50. gr. samþykktarinnar breytist og verður svohljóðandi:

Bæjarstjóri sveitarfélagsins, í umboði bæjarstjórnar, ræður sviðsstjóra og mannauðsstjóra og veitir þeim lausn frá starfi. Sviðsstjórnar eru fjórir, stjórnsýslusviði, fjármálasviði, fjölskyldusviði og mannvirkja- og umhverfissviði.

3. gr.

51. gr. samþykktarinnar breytist og verður svohljóðandi:

Sviðsstjórnar skv. 50. gr. að höfðu samráði við bæjarstjóra og mannauðsstjóra, ráða stjórnendur deilda og stofnanna sem undir þá heyrir og veita þeim lausn frá störfum.

Stjórnendur stofnana og deilda ráða starfsmenn sem undir þá heyrir að höfðu samráði við viðkomandi sviðsstjóra og mannauðsstjóra og veita þeim lausn frá störfum.

4. gr.

52. gr. samþykktarinnar breytist og verður svohljóðandi:

Bæjarstjórn er heimilt að fela embættismönnum fullnaðarafgreiðslu mála á sama hátt og með sömu skilyrðum og nefnd eru í 36. gr. samþykktar þessarar. Bæjarstjórn skal setja skýrar reglur í samþykkt um stjórn og fundarsköp eða í sérstakan viðauka með samþykkt um fullnaðarafgreiðslu embættismanna en viðkomandi fagnefndir hafa eftirlit með þeim og kalla reglulega eftir skýringum

og upplýsingum um ákvarðanir sem teknar eru á grundvelli þeirra.

Embættismanni er alltaf heimilt að vísa ákvörðun skv. 1. mgr. til viðkomandi fagnefndar til fullnaðarafgreiðslu.

Bæjarstjórn felur eftirtöldum embættismönnum fullnaðarafgreiðslu mála:

- a) Sviðsstjórum fjármála- og fjölskyldusviðs í sameiningu að afgreiða umsóknir um lækun eða niðurfellingu álagðs útsvars skv. 25. gr. laga nr. 4/1995 um tekjustofna sveitarfélaga.
- b) Sviðsstjóra fjármálsviðs að afgreiða umsóknir um styrki til greiðslu fasteignaskatts af húsnæði sem ekki er nýtt í ágóðaskyni svo sem vegan menningar-, íþróttá-, æskulýðs og tómstundastarfsemi eða vinnu að mannúðarstörfum skv. reglum sveitarfélagsins þar um dags. 9. desember 2009.

Beiðni um endurupptöku máls skal beint til þess sem ákvörðunina tók og fer um endurupptöku skv. 24. gr. stjórnsýslulaga nr. 37/1993.

5. gr.

36. gr. samþykktarinnar verður svohljóðandi:

Valdsvið nefnda og framsal sveitarstjórnar til fastanefnda á valdi til fullnaðarafgreiðslu mála.

Kjörnum nefndum sem taldar eru upp í 46. gr. samþykktar þessarar, er heimil fullnaðarafgreiðsla á grundvelli ákvæða í samþykkt um stjórn og fundarsköp sveitarfélagsins eða í sérstökum viðauka með samþykkt, mál á verksviði þeirra ef:

1. lög eða eðli máls mæla ekki sérstaklega gegn því,
2. þau varða ekki fjárhag sveitarfélagsins umfram það sem kveðið er á um í fjárhagsáætlun, og
3. þau víkja ekki frá stefnu bæjarstjórnar í veigamiklum málum.

Ályktanir nefnda teljast tillögur til bæjarstjórnar, enda þótt þær séu orðaðar sem ákvarðanir eða samþykktir, hafi viðkomandi nefnd ekki verið falin sérstaklega fullnaðarákvörðun um mál.

Bæjarstjórn felur skipulags- og byggingarnefnd að úthluta lóðum fyrir hönd bæjarstjórnar, skv. reglum um úthlutun lóða í Sveitarfélaginu Árborg, dags. 20. október 2005, með síðari breytingum.

Samþykktar breytingar á samþykkt um stjórn og fundarsköp fyrir sveitarfélagið Árborg á 10. bæjarstjórnarfundum þann 20. mars 2019:

Tillaga að breytingum á bæjarmálasamþykkt Sveitarfélagsins Árborgar til aðlögunar að breyttu skipuriti og nefndum.

46. gr., liður B, breytist og verður svohljóðandi:

B. Til fjögurra ára. Á fyrsta eða öðrum fundi að loknum bæjarstjórnarkosningum skulu eftirtaldar fastanefndir kosnar:

1. Félagsmálanefnd. Fimm fulltrúar og fimm til vara skv. gildandi lögum og erindisbréfi fyrir nefndina.
2. Fristunda- og menningarnefnd. Fimm fulltrúar og fimm til vara skv. gildandi lögum og erindisbréfi fyrir nefndina.
3. Fræðslunefnd. Fimm fulltrúar og fimm til vara skv. gildandi lögum og erindisbréfi fyrir nefndina.
4. Skipulags- og byggingarnefnd. Fimm fulltrúar og fimm til vara skv. gildandi lögum og erindisbréfi fyrir nefndina.
5. Eigna- og veitunefnd. Fimm fulltrúar og fimm til vara skv. erindisbréfi fyrir nefndina.
6. Umhverfisnefnd. Fimm fulltrúar og fimm til vara skv. erindisbréfi fyrir nefndina.
7. Kjaranefnd. Þrjú fulltrúar og þrjú til vara skv. gildandi lögum og erindisbréfi fyrir nefndina.

50. gr., liður D, breytist og verður svohljóðandi:

Ráðning í æðstu stjórnunarstöður.

Bæjarstjóri sveitarfélagsins, í umboði bæjarstjórnar, ræður sviðstjóra og mannauðsstjóra og veitir þeim lausn frá starfi. Sviðsstjórar eru fjórir, á stjórnsýslusviði, fjármálasviði, fjölskyldusviði og mannvirkja- og umhverfissviði.

51. gr., liður D, breytist og verður svohljóðandi:

Um ráðningu annarra starfsmanna.

Sviðsstjórar skv. 50. gr., að höfðu samráði við bæjarstjóra og mannauðsstjóra, ráða stjórnendur deilda og stofnana sem undir þá heyrja og veita þeim lausn frá störfum. Stjórnendur stofnana og deilda ráða starfsmenn sem undir þá heyrja að höfðu samráði við viðkomandi sviðsstjóra og mannauðsstjóra.

52. gr., liður D, breytist og verður svohljóðandi:

Framsal bæjarstjórnar og nefnda til starfsmanna til fullnaðarafgreiðslu mála.

Bæjarstjórn er heimilt að fela embættismönnum fullnaðarafgreiðslu mála á sama hátt og með sömu skilyrðum og nefnd eru í 36. gr. samþykktar þessarar. Bæjarstjórn skal setja skýrar reglur um afgreiðslu embættismanna en viðkomandi fagnefndir hafa eftirlit með þeim og kalla reglulega eftir skýringum og upplýsingum um ákvarðanir sem teknar eru á grundvelli þeirra. Embættismanni er alltaf heimilt að vísa ákvörðun skv. 1. mgr. til viðkomandi fagnefndar til fullnaðarafgreiðslu.

Bæjarstjórn felur eftirtöldum embættismönnum fullnaðarafgreiðslu mála:

Sviðsstjórum fjármála- og fjölskyldusviðs í sameiningu að afgreiða umsóknir um lækkun eða niðurfellingu álagðs útsvars skv. 25. gr. laga nr. 4/1995 um tekjustofna sveitarfélaga. Sviðsstjóra fjármálasviðs að afgreiða umsóknir um styrki til greiðslu fasteignaskatts af húsnæði sem ekki er nýtt í ágóðaskyni, svo sem vegna menningar-, íþróttá-, æskulýðs- og tómstundastarfsemi eða vinnu að mannúðarstörfum, skv. reglum sveitarfélagsins þar um, dags. 9. desember 2009.

Beiðni um endurupptöku máls skal beint til þess sem ákvörðunina tók og fer um endurupptöku skv. 24. gr. stjórnsýslulaga nr. 37/1993.

36. gr. nógildandi samþykktar:

Valdsvið nefnda og framsal sveitarstjórnar til fastanefnda á valdi til fullnaðarafgreiðslu mála.

Kjörnum nefndum sem taldar eru upp í 46. gr. samþykktar þessarar, er heimilt að afgreiða á grundvelli erindisbréfs skv. 10. tölul. 5. gr., án staðfestingar bæjarstjórnar, mál á verksviði þeirra ef:

1. lög eða eðli máls mæla ekki sérstaklega gegn því,
2. þau varða ekki fjárhag sveitarfélagsins umfram það sem kveðið er á um í fjárhagsáætlun, og 3. þau víkja ekki frá stefnu bæjarstjórnar í veigamiklum málum.

Alyktanir nefnda teljast tillögur til bæjarstjórnar, enda þótt þær séu orðaðar sem ákvarðanir eða samþykktir, hafi viðkomandi nefnd ekki verið falin sérstaklega fullnaðarákvörðun um mál.

Bæjarstjórn felur skipulags- og byggingarnefnd að úthluta lóðum fyrir hönd bæjarstjórnar, skv. reglum um úthlutun lóða í Sveitarfélaginu Árborg, dags. 20. október 2005, með síðari breytingum.